

雜記下目次

廬江王正茂纂著

受業太谷杜昌炎

全訂

陽武李 誥

郭為觀涑水攷

喬光烈涑水碑記

宋培仁救災稟狀

謝陳常城隍廟碑記

魁星樓記附

謝功肅脩北城水道記

王第倫水道記

臨晉縣志

雜記下目次

卷七

一

楊無黨水利策

李若拙論鄉賢名宦

論婚嫁附

李士瑾論節孝

衛聖道論喪事

本邑藥材

癸巳工程三條

臨晉說

祈雨說

潘西村碑

異姓為後

蔡春生事

邱墓彙記

方言彙記

貢監彙記

孝義彙記

節婦彙記

同脩縣志姓氏

臨晉縣志



雜記下目次

卷七

一一

雜記下

郭為觀涑水攷云按桑欽水經云涑水出河東聞喜縣東山黍葭谷又西過周陽邑南又西南過其縣南又西南過安邑縣西又南過解縣東又西南注於張揚池酈元道注云涑水所出俗謂之華谷至周陽與洮水合涑水又西逕仲邨鄆北又西逕桐鄉城北又西逕王官城北又西南過安邑縣西以上皆今夏縣境盖古安邑即今夏縣禹王城故址漢晉以來無夏縣之名至隋始分置夏縣而移安邑於今治不然則

臨晉縣志

雜記下

卷七

一

注謂過安邑西者將直入鹽池乎涑水又西逕監鹽縣故城城南有鹽池水此則今安邑境而鹽池水即今北引之姚暹渠水也涑水又西逕猗氏縣故城北又西逕郇城此則今猗氏境盖涑水自安邑北相鎮之西入邑境鳴條岡至此而伏故涑水自李漢郭村之間折而南順治中郭村人嘗掘地見大石橋懼不敢發盖其故道也又折而東南經張河孫塢等村其地今猶謂之張河灘又折而西南歷楚侯王鑑張嵩諸村故跡宛然俗稱管溝即注所謂逕猗氏故城北

者也又西南經太侯上庄及縣之南扶等村境郇伯故城在其北即注所謂西逕郇城也自此而西經臨晉入五姓湖皆古解縣境即注所謂西逕解縣故城南又西逕瑕城者也五姓湖即經所謂張揚池也此涑水故道也厥後司鹽者慮其浸沒鹽池引而之北自北相鎮之西北開新道西行經三里高頭里原頭水南香落等村西何家庄南地名崔家灣者折而南經祈村及臨晉之南村鄉頭等村合姚暹渠入五姓湖雖世代莫考然故老相傳猶能道其疏鑿之概焉

臨晉縣志

雜記下

卷七

一一

此涑水初改之道也至明弘治十六年巡鹽曾大有復慮害鹽疏請西浚新道八十里自崔家灣引而西經祁任智光等村歷臨晉境至蒲州孟明入河是為

涑水新道云

全錄

守道喬光烈涑水碑記云涑水發源絳縣經安邑猗氏臨晉虞鄉永濟入五姓湖歸黃河九四百里河道淤滯以來涑漲不能達湖湖淺無以容涑以故虞鄉永濟之邸家營榆林諸村時憂墊溺而姚暹渠亦慮衝毀為鹽池患乾隆甲戌春子濬涑水距五姓湖自

二月至四月竣事因定厥章程礮石以記之自今以後安邑猗氏臨晉虞鄉永濟五縣涑水所經督民於農隙時歲加修濬孟明橋尤為涑湖入河之要津當無使有倒饘之患若有盜穿堤岸衝毀姚暹者嚴為科罪爾鄉長其共凜之

縣尉宋培仁救災稟狀云敬稟者倉穀於某月日糶竣已經核算由印官申稟矣厥穀既完老幼食德之衆咸生常繼之想謂憲臺招商平糶誠救濟之良規也伏查臨邑秋禾就稿即旬日內時雨沛降亦歉收

之歲矧雨降無期時疫又甚城鄉貧民無所聊賴糶粟各集初則增價繼則缺糶日不舉火者有之樹葉充飢者有之絜其妻子遷逃者有之餓莩盈眸死亡相藉卑職佈體憲臺好生為心愛民如子不得不據寔叩稟臨稟不勝惶怖佈望之至

謝陳常城隍廟碑記云康熙三十八年秋新廟成而落焉禮也廟誰謂縣治東北隅顯佑伯之廟也廟由來久矣謂新廟何曰新之也曷言乎新之創始之謂新革其舊之謂新也其言成何廟至此而成也至必

有自不及自何也曰據成功而言也問何自曰自癸酉蓋三十二年也自酉歷卯而廟始成難之也誰成之邑賢侯也賢侯謂誰大梁王明府也前此有邑侯陳矣又前此有邑侯潘矣獨歸王明府何也曰據成功而言也其功之成奈何曰水潰土裂甄毀木折葺樓之役於斯為極是肇於三十五年者也其前年則葺內外廊三十六楹而神像之丹堊因之也葺自後年者曰正殿曰享殿而樓之丹堊又因之也是謂之革其舊也其創始奈何每歲十月於廟為會例自葺

樓之明年始也其為會例何也集賓旅於內外廊而懋遷之通貨賄也內廊之南為福財二祠又列肆十二於外廊間何也以庇商也皆為會設也廟之東偏為堂三楹齋東西向楹數如之以祀故侯史高何也誌遺愛也誰作之邑侯潘也問何自自三十二年之癸酉是功之權輿也土木金石匠役為費幾何曰樓之費計錢一百三十緡肆之費計錢一十八緡正殿減樓之半而差享殿減正殿之半而益麥石之一也外廊視樓費四之一內廊及福財祠視肆費倍焉而

益以麥之石二十四之斗六之升八也穀之石九斗四升五也史高祠準正殿而減三縉會例準享殿而減八縉復益以麥之石七之斗二之升一也誰輸之邑人也輸之奈何曰其為潘侯募者穀石一百六十錢六十八縉而贏也罰鍰准白金一十八兩麥之石六十有四而絀也穀之石十而絀者為陳侯輸也王明府之蒞臨也輸麥七十八石有奇先是輸白金一百三十九兩有奇通計得錢二百三十六縉有奇蓋與所費者數相準也經理者誰鄉耆一十二也是役

也不可無記夫記者計也又言識也計歲月計工役計出納之數與一時人之姓氏而勒諸石使人過而識之將踵厥事皆有所考而因以白司會計者之無私焉記之所為作也 魁星樓記云魁星樓邑乘無所考修學碑記云萬歷三十一年建於北城巔今以祀五帝非魁星也後因東南角改為之倏廢康熙辛巳仲冬王邑侯作樓於學宮之巽位甃磚為台縱橫二十步架木為方圓重樓繚以雕垣貌魁星於其中焉

謝功肅脩北城水道記云縣治西來之水自西閣聖壽寺側而下繞城之右北來之水自文星台而下經卧牛堤折而繞城之左兩水夾流交注東南此古道也康熙中水法大壞石學博築堤障之雍正間大水堤毀蔣邑侯重加脩濬水得復循古道云

王第倫水道記云乾隆十四年坡水為患直衝北關周邑侯於北門外築護門堤且於城北齊家庄築堤開渠仍復繞城之左折而南流時西關居民欲於胡家庄西引水南行公以水法不合且於下游村庄有

臨晉縣志

雜記下

卷七

六

碍事遂寢

楊無黨水利策云涑水經流於邑南接壤猗氏分水之例以望日為限望以前屬猗望以後屬臨前憲勒有成規令沿河居民當河築埧則猗不得盜賣於虞亦臨邑數十村之利也今則無水之利而受脩河之累已

李若拙論鄉賢名宦云名宦鄉賢祠所以崇先賢勵將來也是宜詳姓字行寔使後人指曰某若何宦某若何賢某若何忠與孝故不待教而興也今臨 有

祠而已其幽可不闡哉 論婚嫁云婚姻論財非禮也詩書之家間有却聘金而不受者此外富豪者以為觀美之具貧窮者以為肥家之資 國初時幣不過三四端銀不過三四兩其時風俗儉朴家給人足延及近世日事奢靡金帛釵環之數視往昔幾十倍焉在富豪者無論已中戶有因娶妻而破產廢業以從俗者貧窮之家有不能娶妻而為曠夫以沒世者夫男女居室人之大倫而其弊至此此其不便於俗為何如而人終不改也則亦習俗迫之也此非為上

者力革其弊如鄭子產之令如蠶尾而不恤人言豈易言變通哉

李士瑾論節孝云孝豈易盡哉富者動以孝旌窮困者徃徃為其親備受苦楚生養不得淚繼以血親病瀕死求以身代或以無財而不能達名於長官者有之節婦在富家猶易而貧更難富易而多得名貧者身沒如太倉之失一粟名隨身去誰復過而問者可悼也

衛聖道論喪事云脫驂而賻哀有喪也今喪葬弔慰

無賄賂而主人延客盛饌以須故貧者每避人渴葬或遲久不敢舉是皆偽俗逆禮也

本邑藥材 地黄產懷慶者佳邑所出皮勝於肉不堪入藥山藥產城南城子埕諸村可用也遠志生城北峨眉坡多且佳每歲藥商採取遠貿香附生五姓河灘遜靈寶所出小薊遍地生大薊涑水一帶生之枸杞鮮時可觀乾則有皮無肉且味苦不堪用地骨皮即枸杞根本地枸杞遜甘州而根頗有力防風益母白茅根生坡上如意草車前子生道旁王不留行

臨晉縣志

雜記下

卷七

八

生麥中酸棗仁生墳墓內牽牛金銀花種舍院無野生兔絲子荒地內有之茵陳蒲公英遍地有之天冬間有之槐實槐花艾葉紅花杏仁瞿麥甘遂柿乾皂角子桑白皮小蘘香馬蘭子側柏葉石榴皮大麥芽浮小麥葶藶子萊菔子邑皆有之

乾隆癸巳歲脩郡學各邑皆助貲時縣學亦近圯墻垣以木撐拄予捐銀三百兩荆生孟徵二百兩傅生一德一百兩其餘自一兩至十數兩不等共得銀一千六百兩有奇以八百兩助郡工餘者脩縣學教諭

楊君澧董其事副貢生王追湛庠生蔡重茂督其工里老韓延俊王宗才估其材頗無糜濫無浸漁邑之人不以勞費為詬病也

邑有八蜡廟久頽予脩之廟後有碾盤居民因墻圯俱赴碾焉驟墻之居民有難色遂於廟後啟戶令碾如故倘廟有損剝即令居民以時葺費亦無幾盖廟與民兩便也後之守土者如因葺廟為民累是予作俑矣敢敬告焉

邑有南北壇址存而壇壞亦於癸巳夏修之

臨晉縣志

雜記下

卷七

九

臨晉說 愚按文獻通考云晉州古堯舜之都所謂平陽也春秋時屬晉後魏為平陽郡兼置唐州後改為晉州隋煬帝置臨汾郡唐為晉或為平陽屬河東道則今之蒲州與古平陽相係屬者也平陽為晉則蒲亦晉地臨晉之名其以此與又括地志云平陽河水一名晉水而郡之西南亦有晉水王恭先云平陽之晉水難以遙臨則從前蒲屬平陽又何以遙制歟以臨晉州晉水為臨晉似亦可通且虞鄉西三十里有晉陽故城則此地已明明在晉之陽矣何不可臨

之有必專指臨虞鄉晉城得毋隘乎

祈雨說 山右祈雨戒屠不能具牲醴故不祭降雨祭之曰謝降謬也禮云祭有祈焉有報焉有由弭焉祈祭之一也不祭何祈大雅云靡神不舉靡愛斯牲圭璧既卒寧莫我聽夫何牲醴不可具舉乎予以為祈雨之祭當依神之尊卑定祭品禮儀視其秩祀戒屠本釋氏非禮經必降雨而祭要神也不敬孰甚或曰牲醴具舉則葷酒亦弗禁乎曰不飲酒不茹葷此為主祭者言非為受祭者言也

潘西村碑 潘西濱河戶五百賦如其戶數西辛村巷異南北其南巷辛盛洪恩等庄皆自賦惟北巷百餘口賦百餘金附潘西劉成堯北巷之黠者也以八十戶為一庄名寥恩前令廖所命也潘西故有船差協陝省歲出葦蓆以供驛與倉而船差為苦八十戶者別為一生賦皆自前不奔陝西役潘西人控於縣以避差也諸戶不申潘西之借差乾沒而第以分庄不供差為詞庄不得私立差不能私避予絀之控於府又絀之委員讞又絀之案凡三決矣有頃觀察葉

公謂余曰案雖決如印泥畫沙否乎對不敢信反復
鞠之稽潘西所簿供億費則乾沒不能悉數潘西有
渡口利北巷諸戶不得與而船差均之又河壩不徵
地千八十步水落則利潘西戶享之此北巷諸戶所
以不服也而控於縣控於上之詞皆略之故屢控屢
絀予為分其地與船之利北巷得六分之一差亦如
之遂帖然退而嘆曰甚哉民隱之難通也如攻堅如
治棼如辨暗室色長吏絀之猶可言也自控而自絀
尚何言哉使不反覆其事害延矣故書以自戒兩造

臨晉縣志

雜記下

卷七

十一

願碑之以息後之訟者

異姓為後 邑之無後者常舍其兄弟之子與其族
子而於外姓之親取之襁褓之中使冒己姓或收孤
稚流離之子衣之食之長而室之避義子之稱而曰
其子問義子所本生則亦佯謂不知噫是不知有其
祖而惟以偽也禮不可以偽為况父子哉然此村野
之俗非士大夫所有也

蔡春生事 蔡春生臨之武生也以貲授把總力不
能敵人好鬪狠智不能勝人好健訟邑人銜之予括

其案山積焉甚者誣兄為義子以賭盜金八百予俯諭曰吾杖汝以胙汝兄心汝悔吾宥汝春生狡悖逃控府委員讞之以誣服罪例發烟瘴改近地陝甘瀕行涕泣曰悔無及矣予曰汝向何健也曰以前長官慈小犯法不我治故子曰吾杖汝不受何也曰習慣也且不知所誣之重且大也嗚呼春生可惡也亦可憫也向使春生始惡時有懲者當不至此易曰擊蒙不利為寇利禦寇擊之所以利之也又曰小懲而大戒小人之福也懲之所以福之也為民父母無道德之意而薄刑名惟以姑息避事民之陷於死地者多矣獨春生也哉世之為春生者省哉

臨晉縣志

雜記下

卷七

十二

邱墓彙記 扁鵲墓在縣南六十里洗馬村樊太守

墓在縣西十里齊王村

舊志云樊演唐人河東太守封北解侯

霍榮祖

墓在縣東二十五里霍村

殘碑云諱揚字榮祖博陸侯七世孫

晉司空

王卓墓在縣東南二十里城西村

有唐王顏碑記

曇延墓在

縣北二十里舂子村臨汾公薛道實墓在縣北四十

里平宜村陳黃門茂墓在縣東北二十里小窺山唐

裴尚書墓在縣西北五里聖壽寺側

舊志謂有鉅陽世南文歐碑

詢書因榻取不
息土人瘞之
薛長府寶積墓在平宜村
道實司空

侍郎墓在王官谷孫都尉繼業墓在郭村張節度繼

祖墓在縣南三十里城子埭麻主事秉彞墓在閻村

有王庭筠麻革墓在吳閻村陳氏十墓在大嶷山
陳揮

陳灝陳克基陳仲謙陳賡陳申孝子墓在縣北三十

里丁庄村
號忠孝元謝將軍墓在縣東北三十里東

庄村孫真人墓在南郭村樊孝子墓在縣東北六十

里董村明郭御史墓在縣東五里大陳村陳鄉賢墓

在縣西五里胡家庄王僉憲墓在縣西三里樊家庄

臨晉縣志

雜記下

卷七

十三

衛鄉賢墓在縣南五里馮家庄荆開府墓在縣南二

里李侍郎墓在縣西十里樊伯原姚副使墓在縣北

二里荆給諫墓在縣南十五里荆御史墓在縣西三

里胡家庄荆職方墓在縣東水頭村韓主事墓在開

張村王恭先墓在縣西北三里樊家庄謝陳常墓在

上豆氏村

方言彙記 父曰爹母曰娘妻曰媳婦子曰娃女婿

曰姐夫妻兄曰室兄普雨曰太天雨雨入土曰傷不

種穀只種麥謂之原地上地也地之硬堅者謂之鹵

地下地也已收麥又種穀謂之回查地中地也麥一行曰一條腿隴旁隙地曰歇榭地收禾一次曰一料分會錢曰割會代人還會錢曰查還代人還錢曰查賠洞曰窟壠屏門曰閃門辦曰角角子蹲曰跂踎又曰猴下批頰曰打耳巴爭曰格氣罵人曰惡人害人曰咬人起手丈量曰插尺相隔數家曰望望鄰燒餅曰火燒面條曰旗子牛肉曰倒菜扁豆曰板豆土坯曰糊墻煤炭曰黑糟頭曰登腦不才子曰囊飽貨又曰木骨蟲繼妻曰姚婆子繼子曰蠻圪塔水半熟曰

臨晉縣志

雜記下

卷七

沙温子半凉曰烏塗子硯臺曰硯瓦筆曰生活口袋曰毛連牲口曰頭户跌倒曰栽倒少曰爭些嚮讀學上聲

貢監彙記

賁郎始於漢而未嘗無人焉如張釋之黃霸皆有名於後世然則士可以資格限哉臨之以賁筮仕者如

- | | | | | | | | | |
|-----|------|------|------|-----|------|-----|-----|-----|
| 明賈表 | 判宿州官 | 薛應珪 | 知鳳縣 | 王琳 | 知鞏昌府 | 陳瑄 | 吏商州 | 孟 |
| 舉 | 岐上 | 王居正 | 主高淳簿 | 任辰 | 吏睢水 | 李錫 | 檢户部 | 吳榮祖 |
| 主簿 | 王旻 | 審王府 | 李鳳鳴 | 吏鞏州 | 李廷祿 | 知容城 | 李 | |
| 簿主 | 衛邦 | 照慶陽磨 | | | | | | |

承恩叙州照磨焦天澤應天校王拱樞藍田主簿賈鶴齡泰州同知李

柏武安主簿賈嵩臨清同知賈培齡鴻臚寺序班馮時新都主簿趙汝秀

序臚寺班李汝祐兵馬寺指揮賈充範苑馬寺監正李毓柱香河縣丞

國朝張王綱歸德通判李浙知縣凡二十七人其未仕者如明

王珪衛文陳奎孟鳳來宋時新吳文奎謝誥謝訓焦

維新王度樊津謝欽命李文炳荆成喬荆邦棟

國朝謝化魴趙俊哲李世振李世章張恂王一夔王一

俊許企進李世賢王之璘王廷瑜王元翼張鐸鄧竒

珍王孫芳王孫繩謝陞姚式名姚希孟侯公輔尚博

臨晉縣志

雜記下

卷七

十五

尚渭英魏璞王在洛王起元楊昭祖李瀚謝齊儼薛

世篤荆樹堦楊如周王明國侯維垣王殿珠贈登仕佐郎

王映斗樊大本王第倫陳應卜李光宗薛明傳一德

毛應兆賈文河王聖圖賈杖杰自明至於今大約數

十人或及其身或於其子孫皆欲隸名邑乘議者曰

是固不可勝紀也予曰好名之心不責於三代以下

來者不拒姑存之而已

孝義彙記

予修邑乘邑人爭以孝義舉或子孫欲表其先或戚

友欲揚所厚有寔行可紀者載列傳矣無寔行可紀而人口嘖嘖者未必其誑也因彙以記之如生員李林棠生員李樹棠生員韓如梅樊之甫邵全章胡則九胡應臻胡臯吳家輝王志清周義尚周積萬籍登和孫如珖閆重興暢景福謝御珪衛精張雲川杜明義范居恭王齊雍王子卿皆以孝義舉者也生員張藩甸生員李超廩生侯維域王世明荆安正謝敦禮樊林翰姚汝標張大臣田榆衛炫郭成藩王兆祉李克元衛立中楊 教侯維堯李君佐皆以謹厚舉者

臨晉縣志

雜記下

卷七

十六

也大抵或存或亡事例不一惟以孝義謹厚概之夫生不立傳志之例也予為村民敦迫重違其請參疑信而並記之願邑之學士大夫共相激厲於其人之亡者確訪實搜以備將來之信史存者則願顧名而思率是加勉幸勿使他日重修者芟而去之則余之所厚望也夫

節婦彙記

原夫盛德之風不泯彤管之徽可珍故有含貞茹苦以代子職之供亦有迓命恤孤以敦不二之節有名

門不櫛之士嫺禮義以終年亦有窮簷無告之媛單
形影而永矢斯固行路之所悼心大雅之所嘆服者
也緘緇炙簡何可缺焉茲如舉人李如白妻王氏湖
口知縣王焯繼妻張氏舉人王載妻謝氏貢生李翰
妻康氏李肇基妻董氏李光先妻荆氏張乾妻王氏
李育望妻焦氏王欽敬妻謝氏張樹檀妻尚氏武維
揚妻王氏楊大威妻呂氏張大喜妻呂氏焦士傑妻
張氏焦泮妻謝氏王追喜妻趙氏姚廣義妻謝氏呂
天榮妻樊氏呂應兆妻楊氏薛奠都妻姚氏許充文

臨晉縣志

雜記下

卷七

十七

妻程氏周則堯妻王氏王爲邦妻姚氏樊椿妻符氏
范自論妻王氏王作吉妻汪氏李毓秀妻荆氏謝興
正妻王氏謝呈錦妻衛氏吉創基妻郭氏李君鑑妻
王氏王第森妻汪氏衛凌雲妻邵氏范文明妻衛氏
張思聰妻謝氏符自銘妻温氏謝企聖妻姚氏張宏
道妻李氏李維良妻樊氏李天命妻吳氏王肅殿妻
李氏王肅鑒妻荆氏王肅言妻孟氏陳芳梅妻孫氏
梁居鸞妻王氏張有義妻劉氏吳太穩妻暢氏咎英
妻王氏咎經常妻王氏薛収妻暢氏范英成妻荆氏

王思恩妻侯氏陳世棟妻王氏陳義會妻李氏李生
菲妻姚氏荆成檀妻張氏楊元運妻馬氏郭大盛妻
孟氏許振宇妻李氏許大遇妻王氏閔自正妻程氏
荆和喜妻姚氏樊育訓妻胡氏馬純禮妻楊氏秦立
森妻毛氏張登先妻賀氏徐州坤妻李氏陳灼妻賀
氏段大寶妻鍾氏荆造妻趙氏荆廣信妻王氏宋湛
升妻曹氏趙英傑妻陳氏許文翰妻張氏李枝妻謝
氏廉登鰲妻趙氏楊子仁妻郭氏謝毓嶸妻孟氏張
起安妻李氏王自奇妻胡氏生員李司鈞妻程氏郭

臨晉縣志

雜記下

卷七

十八

希閔妻胡氏楊遙祐妻樊氏韓明標妻李氏周大用
妻張氏王克巳妻黃氏房有琦妻楊氏梁有邦妻程
氏李光榮妻朱氏王士信妻武氏李吉妻陳氏溫程
妻胡氏段大璇妻文氏荆以正妻龔氏荆鵬惠妻楊
氏李增文妻毛氏李希舜妻楊氏溫三奇妻李氏衛
寶吉妻余氏李毓順妻呂氏荆瑀妻衛氏樊 逸妻
王氏許肇積妻吳氏楊雍坦妻邵氏王第慈妻李氏
張炳淵妻謝氏張孝先妻靳氏劉開基妻楊氏劉天
秀妻吳氏劉成龍妻吳氏王愷妻宋氏衛江妻王氏

張樹桐妻王氏焦克恭妻李氏姚自連妻范氏姚
武妻安氏梁廷茂妻王氏張振文妻宋氏張世明妻
吳氏劉則隆妻王氏劉子成妻樊氏樊君遴妻王氏
樊君河妻吳氏楊大成妻謝氏孫若召妻孟氏胡梅
妻暢氏張乾耀妻衛氏張有慶妻王氏張希載妻郭
氏姚遴輝妻張氏王養魁妻許氏閆繼憲妻黃氏張
亨妻呂氏衛敦峩妻程氏呂嶠妻謝氏貢生王爾杰
母張氏生員李毓秀母王氏劉天宗妻張氏王天喜
母謝氏王萬里母張氏薛維城母某氏文清字母胡

臨晉縣志

雜記下

卷七

十九

氏孟貞灼繼妻孫氏孟尚噐妻薛氏孟衍寬妻王氏
孟春雨妻王氏蔡文江妻樊氏蔡文河妻王氏張釗
繼妻荆氏郝方亮妻陳氏陳自巽妻許氏王肅雍妻
汪氏王麟瑞妻陳氏王華晉妻李氏孫玉公妻温氏
王追儒妻李氏胡法興妻閆氏姚杓妻謝氏王昌泮
妻李氏謝興粟妻劉氏吳彥有妻王氏楊立江妻李
氏荆用賢妻樊氏李開妻王氏謝盛雲妻張氏謝子
穀妻費氏樊君迪妻杜氏樊世俊母王氏樊邦彥母
吳氏王華檜妻呂氏馮思明妻王氏姚自然妻范氏

李河妻張氏暢充妻衛氏劉子威妻樊氏張官倉妻
王氏張德妻謝氏王天成妻胡氏樊奉勤妻樊氏孟
養氣妻宋氏揚魁妻劉氏常起元妻范氏周建極妻
郭氏楊哲妻衛氏胡五雲妻薛氏荆若春妻衛氏焦
保陞妻張氏王長學妻閆氏周世茂妻閆氏謝唐妻
吳氏余應奎妻李氏吳如江妻樊氏吳彥方妻宋氏
范天直妻李氏王加升妻楊氏張文貴妻黃氏張齊
文妻王氏趙自科妻暢氏荆宗周妻韓氏王有言妻
汪氏梁任妻王氏李玉義妻姚氏張景祿妻樊氏

臨晉縣志

雜記下

卷七

二十

楊崑妻姚氏王道賢妻汪氏荆本洙妻朱氏衛孔忠
妻張氏鍾景規妻段氏楊生瑞妻胡氏許文紹妻王
氏王之俊妻張氏衛萬選妻鍾氏李杰妻謝氏張若
旻妻吳氏王世系妻咎氏陳世仁妻王氏曹起功妻
薛氏宋玠妻劉氏李居妻樊氏張公安母韓氏李常
妻閆氏樊第舉妻吳氏孟巡妻杜氏孟之璠妻張氏
孟二義妻王氏張二酉妻章氏王元淮妻樊氏張成
格妻劉氏衛成恭妻楊氏李奎第妻衛氏崔起隆妻
余氏衛温賢妻王氏劉敬宗妻尹氏黃萬壽妻趙氏

王樓妻陳氏郭玉妻宋氏費永思妻閆氏姚震績妻
孫氏陳克平妻王氏姚振權妻李氏周自讓妻孟氏
咎濟文妻王氏孟可柱妻楊氏王子爵妻焦氏王興
壽妻暢氏王子宰妻姚氏王治妻張氏許法妻常氏
薛居安妻謝氏張億妻文氏脩錄之以待女史之採
擇焉楊常寅妻趙氏韓東璧妻賈氏皆以賢孝稱

同脩縣志姓氏

監脩臨晉縣儒學教諭楊澧舉子督工臨晉縣角杯

巡檢常卜枚議叙臨晉縣典史韓士鳳議叙校正謝牲乙丑

進士天柱 謝體觀甲辰副貢王雲程庚寅舉人王追湛

副貢 郭芾淮猗廩生採訪李作霖壬午副貢林國棟戊子副貢

王關庠生姚方楞庠生楊喬南庠生荆廷漢庠生郭靖廩生王存

第庠生荆麟兆廩生李士瑾廩生王克秩廩生李若拙庠生段金

堤郡廩生李凌滄庠生謝去疚廩生薛承乾郡廩生薛天相廩生

李自牧廩生張日珠廩生王熙績庠生衛聖道庠生楊無黨庠生

臨晉縣志 雜記下 卷七 二十二

蔡重茂庠生籍學周

藝文叙

采王官圖集搜河汾諸書
此藝文選也凡藝文志如志
者法也法之使人知所之也
讀元素疏以之化氣讀注野
記以之養心謹介愍死節行

略且哭且叫忠孝之哉發勃
然不能自己其他或有闕乎政
治或乃補於風化或有益於閭
學皆以備嘉言懿行富區之
竊取之義云爾美夫嗚風矣
月刻翠雕孤鐘名公之鉅篇

枕滄畧烏如有以掛漏謀者
請他日為藝文選